

Das wir auch mit größern gern fruntlich vmb irwer vyßheit verdienen
wöllen. Datum zc.

Burgermeister vnd rat zu. N.

Antwort vff schreibbrieff.

Vnser fruntlich vorkig dienst züvor ersamē wyßen vñ besundern güte fründ
Iwer schuße vns am iüngsten/zekome die kurzweyl mit dem armbrost/
vnserm gnedigsten herre. N. zu fröde vñ lustberkeit fürgenomē/antreffed
Haben wir mit mer inhalt irwers brießs des datū stōt vff zc. vernomen/
vñ dem gemelte vnserm gnedigē herren. N. /ouch irwer ersamen hieryn ze
wilfozen/wöllen wir ouch schibgesellen/ vff den angeferzten tag zekomen/
verordnen/dan in was sache wir de selbe vnserm gnedigē herre/ vnd ouch
willfozen. vñ zu sunder lust vñ kurzweyt durch die vnsern entspriessen mö
chten/weren wir ganz vnuertrouens willens. Datum.

Ein fürst de andern zu ym zekome/so er im ein handel nit schubē mag.
Vnsern fruntliche dienst züvor hochgeborner fürst Wir haben vñ sachen
nit geschriben nach enbiete mügen mit irwer lieb zereden Dere halb ist vn
ser fruntlich gebet/wöllen vff. N. schierst zu. S. zu vns in vnser bebusung
komen solichs mit irwer lieb zueverhandlen. Auch harynnē güttroulig syn
nen lassen. verdienen wir fruntlich gern. Datum zc.

Wie ein fürst sinen manne schribt sich zu rüsten.

Vnsern grüß züvor lieber getruwer wir begeren das du zu stund vō ange
sicht diß brießs. wol rüstig mit harnst vñ pferden gön. N. komest Wan du
nach etlicher vnser beuelch mit andern gereisigē fürter ryten müßt D; nie
verhaltest. dan vns mercklichs daran gelegē ist. kumpt vns zu gutem ge
fallen. in gnaden bedechtig züuerdinen.

Fürderung von einem fürsten an ein stat vmb schult

Vnsern grüß züvor wolwysen ersamē besunder lieben günstigē vns harte
bericht. N. vnser burger zu. N. wie un etlich die irwen gelthafte schulde
pflichtig sin darumb er sy oft gütlich ersucht. aber bis hat alles vnhilflich
gewest. Begern wir vō ouch in flyß bittend dem vnsern erzeiger diß brießs
über die er ouch wirt ernennen/schynig hülf thün dz ym deßhalb fürter nit
not werd. wöllen wir in solichem oder andern gern verschulden. oder ver
glichen. Eins armē mans vō einē graue an den andern fürderung.

Vnsern fruntliche grüß vñ was wir liebs vñ gütz vermüge allezyt züvor
an bereit. Eder fruntlicher lieber ohem. es ist dise gegerwertige arm staro
mit etliche iren fründen/vor vns gewest do mit thün berichten wie sy mit
dem strengen. N. irderm. N. in theding sey der dan ir gütz vñ hab etwas
vngelichs verhalt Vns gebete sy gege irwer lieb zebeschubē. Darumb
bitte wir irwer lieb gar fruntlich wöller ouch die güten staroē lassen enpfol
ir ouch in iren sachen gen de genäten. N. fürderlich syn. Do mit sy in solli
cher maß vō im nit verfürzt werd. vnser hieryn genossen enpfunde lassen
Habe wir gatz verrüwe vñ wöllē dz vmb irwer lieb gern verdienen.

Wie ein stat bit ein fürste ire burgern gleit vff ein marckt zegebē
Durchlichziger hochgeborner fürst irwer fruntlichen gnade vnser vnder
theng willig dienst allezyt züvoran bereit Gnediger lieber herz. es sind et
lich vnser burger den schierste ysenmarckt mit irlyb vñ gütz vñ koufman
schatz zübesuche. Bitte wir irwer fürstlich gnad in flyß gar dienstlich. den